

საქართველოს მთავრობის

დადგენილება №111

2007 წლის 30 მაისი

ქ. თბილისი

სურსათისა და სურსათთან დაკავშირებული ტარის ჰიგიენური სერტიფიკატის გაცემის წესის დამტკიცების თაობაზე

1. სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსის 75-ე მუხლის პირველი და მეორე ნაწილის საფუძველზე დამტკიცდეს:

ა) სურსათისა და სურსათთან დაკავშირებული ტარის ჰიგიენური სერტიფიკატის გაცემის წესი (დანართი №1);

ბ) სურსათის/ტარის ჰიგიენური სერტიფიკატის ფორმა (დანართი №2).

საქართველოს მთავრობის 2015 წლის 7 ივლისის დადგენილება №326 - ვებგვერდი, 08.07.2015წ.

გ) სურსათის კატეგორიების ნუსხა (დანართი №3).

საქართველოს მთავრობის 2020 წლის 6 ივლისის დადგენილება №412 – ვებგვერდი, 07.07.2020წ.

2. დადგენილება ამოქმედდეს გამოქვეყნებისთანავე.

პრემიერ-მინისტრი

ზ. ნოღაიდელი

დანართი №1

საქართველოს მთავრობის 2020 წლის 6 ივლისის დადგენილება №412 – ვებგვერდი, 07.07.2020წ.

სურსათისა და სურსათთან დაკავშირებული ტარის ჰიგიენური სერტიფიკატის გაცემის წესი

მუხლი 1. ზოგადი დებულებები

1. სურსათისა და სურსათთან დაკავშირებული ტარის ჰიგიენური სერტიფიკატის გაცემის წესი (შემდგომში – წესი) განსაზღვრავს სურსათისა და სურსათთან დაკავშირებული ტარის (შემდგომში – ტარა) ჰიგიენური სერტიფიკატის გაცემის პროცედურებსა და მასთან დაკავშირებულ ურთიერთობებს.

2. ეს წესი მიზნად ისახავს სურსათის/ტარის სერტიფიცირების რეგულირების პრინციპების განსაზღვრასა და მომხმარებელთა ინტერესების დაცვას.

მუხლი 2. ტერმინთა განმარტებები

ამ წესის მიზნებისათვის გამოყენებულ ტერმინებს აქვს შემდეგი მნიშვნელობა:

ა) ჰიგიენური სერტიფიკატი (ჰიგიენური დასკვნა) – სურსათის/ტარის უვნებლობის მოთხოვნებთან შესაბამისობის დამადასტურებელი დოკუმენტი;

ბ) ჰიგიენური შეფასება – სურსათის/ტარის უვნებლობის მოთხოვნებთან შესაბამისობის დადგენის მიზნით სურსათის/ტარის იდენტიფიცირება, ლაბორატორიული გამოცდის შედეგებისა და ჰიგიენური სერტიფიცირებისათვის წარდგენილი დოკუმენტაციის განხილვა, შესწავლა და შეფასება;

გ) ტარა – დაფასებისათვის გამოყენებული შესაფუთი, დამხმარე მასალები და მათგან დამზადებული ნაკეთობები, რომლებიც უშუალო კონტაქტშია სურსათთან წარმოების, ტრანსპორტირების, შენახვისა და



რეალიზაციისას, სურსათის გარეშე ზემოქმედებისაგან დასაცავად, მისი ხარისხისა და სასაქონლო სახის შესანარჩუნებლად;

დ) განსაკუთრებით მალფუჭებადი სურსათი – სურსათი, რომლის შენახვის მაქსიმალური ვადაა 6 – 72 სთ (სურსათის სახეობების მიხედვით), არაუმეტეს 6⁰ C ტემპერატურული რეჟიმის პირობებში.

მუხლი 3. ჰიგიენური სერტიფიკატის გამოყენების სფერო

1. ჰიგიენური სერტიფიკაცია ნებაყოფლობითია და ხორციელდება განმცხადებლის ინიციატივით.
2. ჰიგიენური სერტიფიკატი გაიცემა როგორც დაფასოებულ, ისე დაუფასოებელ სურსათზე. განსაკუთრებით მალფუჭებად სურსათზე ჰიგიენური სერტიფიკატი არ გაიცემა.

მუხლი 4. ჰიგიენური სერტიფიკატის გაცემა

1. ჰიგიენური სერტიფიკატი გაიცემა განმცხადებლის მიერ წარდგენილი, ამ წესის მე-5 მუხლით განსაზღვრული დოკუმენტაციის განხილვის საფუძველზე საჯარო სამართლის იურიდიული პირის – სურსათის ეროვნული სააგენტოს (შემდგომში – სააგენტო), ხოლო საქართველოს საბაჟო კოდექსით განსაზღვრულ კონტროლის ზონებში – საჯარო სამართლის იურიდიული პირის – შემოსავლების სამსახურის (შემდგომში – სამსახური) მიერ.
2. სურსათის/ტარის ჰიგიენური სერტიფიკატი გაიცემა განმცხადებლის განცხადებაში მითითებულ სურსათზე/ტარაზე.
3. სურსათის/ტარის ჰიგიენური სერტიფიკატი გაიცემა ქართულ ან/და ინგლისურ ენაზე.
4. „სურსათის კატეგორიების ნუსხაში“ (დანართი №3) მითითებულ ცალკეული კატეგორიის სურსათზე გაიცემა ერთი ჰიგიენური სერტიფიკატი, ამ წესის მე-5 მუხლის მე-6 პუნქტით განსაზღვრული მოთხოვნების გათვალისწინებით.

მუხლი 5. ჰიგიენური სერტიფიკატის მისაღებად წარსადგენი დოკუმენტაციის ნუსხა

1. სურსათის/ტარის ჰიგიენური სერტიფიკატის მისაღებად საჭიროა შემდეგი დოკუმენტაცია:
 - ა) განცხადება, რომელშიც მითითებულ უნდა იქნეს:
 - ა.ა) განმცხადებლის საიდენტიფიკაციო მონაცემები;
 - ა.ბ) სურსათის/ტარის დასახელება, რაოდენობა;
 - ა.გ) დამზადების თარიღი/პარტიის ნომერი;
 - ა.დ) შეფუთვის სახეობა;
 - ა.ე) მიმღები ქვეყანა;
 - ა.ვ) საჭიროების შემთხვევაში, სურსათის უვნებლობის მოთხოვნების დაცვასთან დაკავშირებული სხვა დამატებითი ინფორმაცია;
 - ბ) სურსათის/ტარის აკრედიტებული საგამოცდო ლაბორატორიის მიერ თითოეულ პარტიაზე გაცემული გამოცდის ოქმის დედანი;
 - გ) საქმიანობის დამადასტურებელი დოკუმენტი, კერძოდ:
 - გ.ა) ბიზნესოპერატორის მიერ წარდგენილ უნდა იქნეს ამონაწერი ეკონომიკური საქმიანობის რეესტრიდან;



გ.ბ) იურიდიული პირის მიერ სურსათის/ტარის არაკომერციული მიზნით ექსპორტის შემთხვევაში, წარდგენილ უნდა იქნეს ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, ხოლო ფიზიკური პირის შემთხვევაში – პირადობის დამადასტურებელი დოკუმენტის ასლი;

გ.გ) ოჯახური წარმოების სუბიექტის შემთხვევაში, წარდგენილ უნდა იქნეს პირადობის დამადასტურებელი დოკუმენტის ასლი.

2. თუ საქართველოში არ არის შესაბამისი აკრედიტაციის მქონე საგამოცდო ლაბორატორია და განმცხადებლის მიერ ერთხელ უკვე წარდგენილ იქნა სხვა ქვეყნის აკრედიტაციის მქონე საგამოცდო ლაბორატორიის მიერ გაცემული ტარის უვნებლობის მოთხოვნებთან შესაბამისობის გამოცდის ოქმი და უცვლელია ტარის საწარმოებლად გამოყენებული ნედლეული და საწარმოო პროცესი, განმცხადებელი ოქმის გაცემიდან ერთი წლის განმავლობაში თავისუფლდება ტარის სხვა პარტიაზე გამოცდის ოქმის წარდგენისაგან.

3. თუ სურსათის უვნებლობის კონკრეტული მაჩვენებლის გამოკვლევაზე საქართველოში არ არის შესაბამისი აკრედიტაციის მქონე საგამოცდო ლაბორატორია, ჰიგიენური სერტიფიკატი გაიცემა სურსათის უვნებლობის მაჩვენებლის გამოკვლევის საფუძველზე წარდგენილი ლაბორატორიული გამოცდის ოქმის შესაბამისად, იმ დრომდე, ვიდრე საქართველოში არსებული რომელიმე ლაბორატორიის აკრედიტაციის სფეროთი არ იქნება განსაზღვრული შესაბამისი გამოკვლევის მეთოდი.

4. ჰიგიენური სერტიფიკატის მისაღებად დოკუმენტაცია წარდგენილ უნდა იქნეს ქართულ ენაზე. თუ განმცხადებელი ჰიგიენური სერტიფიკატის გაცემას ითხოვს ინგლისურ ენაზე, განცხადებაში განმცხადებლის საიდენტიფიკაციო მონაცემები და სურსათის/ტარის დასახელება უნდა წარადგინოს ინგლისურ ენაზე.

5. ჰიგიენური სერტიფიკატის მისაღებად წარდგენილი დოკუმენტაცია, თარგმანის შემთხვევაში, დამოწმებული უნდა იყოს ნოტარიულად, საქართველოს კანონმდებლობით დადგენილი წესით.

6. ჰიგიენური სერტიფიკატის მისაღებად სურსათის ცალკეული კატეგორიის თითოეულ პარტიაზე აკრედიტებული ლაბორატორიის მიერ ლაბორატორიული გამოკვლევა უნდა ჩატარდეს ამ დადგენილების დანართ №3-ის შესაბამისად.

7. ჰიგიენური სერტიფიკატის მისაღებად ტარაზე აკრედიტებული ლაბორატორიის მიერ ლაბორატორიული გამოკვლევა ჩატარებულ უნდა იქნეს „ტექნიკური რეგლამენტის – სურსათთან დაკავშირებული ტარის სანიტარიულ-ჰიგიენური ნორმების დამტკიცების შესახებ“ საქართველოს მთავრობის 2014 წლის 15 იანვრის №72 დადგენილების შესაბამისად.

8. ჰიგიენური სერტიფიკატის მისაღებად წარდგენილი დოკუმენტაციის სისწორეზე პასუხისმგებელია განმცხადებელი.

მუხლი 6. სურსათის/ტარის ჰიგიენური შეფასება და ჰიგიენური სერტიფიკატის გაცემა

1. ჰიგიენური სერტიფიკატის გასაცემად წარდგენილი დოკუმენტაციის შესაბამისობის განხილვა ამ წესის მე-5 მუხლით დადგენილ მოთხოვნებთან ხორციელდება განცხადების შეტანიდან არაუგვიანეს 3 სამუშაო დღისა.

2. დოკუმენტაციის არასრულყოფილად წარდგენისას, ამ წესის მე-5 მუხლით დადგენილ მოთხოვნებთან შეუსაბამობის აღმოფხვრის მიზნით, სააგენტო ან სამსახური განსაზღვრავს გონივრულ ვადას და წერილობით აცნობებს განმცხადებელს. გონივრულ ვადაში შეუსაბამობის აღმოფხვრელობის შემთხვევაში, სააგენტო ან სამსახური წარდგენილ განცხადებას ტოვებს განუხილველად. დოკუმენტაციის ხელახალი განხილვა განხორციელდება ახალი განცხადებისა და დოკუმენტაციის წარდგენის საფუძველზე.

3. სურსათის/ტარის ჰიგიენური შეფასება და გადაწყვეტილების მიღება ჰიგიენური სერტიფიკატის გაცემის ან გაცემაზე უარის შემთხვევაში უნდა განხორციელდეს განცხადების შეტანიდან არაუგვიანეს 5 სამუშაო დღისა. გადაწყვეტილებას ჰიგიენური სერტიფიკატის გაცემის ან გაცემაზე უარის თაობაზე



იღებს სააგენტოს ან სამსახურის უფროსი. სერტიფიკატი გაიცემა გადაწყვეტილების მიღების დღესვე. სერტიფიკატის გაცემაზე უარი ეცნობება განმცხადებელს წერილობითი ფორმით, უარის საფუძვლის მითითებით.

4. იმ შემთხვევაში, თუ განმცხადებლის მხრიდან ჰიგიენური სერტიფიკატის მისაღებად წარდგენილ დოკუმენტაციაში დაშვებულია უზუსტობა, რომელმაც გამოიწვია გაცემულ ჰიგიენურ სერტიფიკატში არასწორი ინფორმაციის შეტანა, ახალი სერტიფიკატის გაცემის მიზნით განმცხადებელმა უნდა წარადგინოს ახალი განცხადება და შესაბამისი დოკუმენტაცია. წარდგენილი მოთხოვნის დაკმაყოფილების შემთხვევაში, გაცემული ჰიგიენური სერტიფიკატი ექვემდებარება გაუქმებას და გაიცემა ახალი სერტიფიკატი.

5. დაუშვებელია სააგენტოს ან სამსახურის მიერ ჰიგიენური სერტიფიკატების განხორციელების შედეგად მოპოვებული კომერციული საიდუმლოს გაცემა.

6. ჰიგიენური სერტიფიკატი ივსება 2 ეგზემპლარად.

7. ჰიგიენური სერტიფიკატის რეგისტრაცია ხორციელდება ელექტრონულ ჟურნალში.

8. სერტიფიკატის დაკარგვის ან დაზიანების შემთხვევაში შესაძლებელია ასეთი სერტიფიკატის შეცვლა სხვა სერტიფიკატით (დუბლიკატით). ამ შემთხვევაში ახალ სერტიფიკატში მიეთითება იმ სერტიფიკატის გაცემის თარიღი და საიდენტიფიკაციო ნომერი, რომლის შემცვლელიცაა აღნიშნული სერტიფიკატი. დუბლიკატი გაიცემა შესაბამისი განცხადების წარდგენიდან არაუგვიანეს ორი დღისა.

9. ჰიგიენური სერტიფიკატის დუბლიკატს აქვს იგივე იურიდიული ძალა, როგორც მის დედანს.

10. იმპორტიორი ქვეყნის ან განმცხადებლის მოთხოვნით შესაძლებელია ჰიგიენური სერტიფიკატის ელექტრონული ფორმით გაცემა.

მუხლი 7. ჰიგიენური სერტიფიკატის გაცემაზე უარის თქმის საფუძველი

ჰიგიენური სერტიფიკატი არ გაიცემა, თუ:

- ა) სურსათი/ტარა არ შეესაბამება საქართველოს კანონმდებლობით დადგენილ უვნებლობის მოთხოვნებს;
- ბ) განმცხადებელს, სურსათთან დაკავშირებულ საქმიანობაში, კრიტიკული შეუსაბამობის გამო, შეჩერებული აქვს საწარმოო პროცესი.

მუხლი 8. გადაწყვეტილების გასაჩივრება

სურსათის/ტარის ჰიგიენური სერტიფიკატის გაცემაზე უარის თქმის გადაწყვეტილება შეიძლება, გასაჩივრდეს საქართველოს კანონმდებლობით დადგენილი წესით.

დანართი №2

*საქართველოს მთავრობის 2009 წლის 14 აგვისტოს დადგენილება №147 - სსმ III, №103, 19.08.2009 წ., მუხ.1141
საქართველოს მთავრობის 2010 წლის 31 დეკემბრის დადგენილება №425 - ვებგვერდი, 11.01.2011წ.*



საქართველო



HYGIENIC CERTIFICATE

„ 20 წელი/Year

სერტიფიკატის გამცემი ორგანო: Certifying Authority:	დანიშნულების ქვეყანა: Country of Destination
განმცხადებელი, რეკვიზიტები: Applicant: properties	
სურსათის/ტარის დასახელება, რაოდენობა, დამზადების თარიღი/პარტიის ნომერი, შეფუთვის სახეობა: Name of product, Number/weight, data, Lot/batch identification number, type of packaging	
სერტიფიკატის გაცემის საფუძველი (დოკუმენტების ჩამონათვალი) Basis for issuance of Hygienic Certificate (list of documents)	
დამატებითი ინფორმაცია: Additional information:	

ჰიგიენური დახასიათება: The higienic description

უფლებამოსილი პირი

authorized person ----- ხელმოწერა

Signature

ბ.ა. Stamp

დანართი №3

საქართველოს მთავრობის 2020 წლის 6 ივლისის დადგენილება №412 – ვებგვერდი, 07.07.2020წ.

სურსათის კატეგორიების ნუსხა

№	სურსათის კატეგორია	ნორმატიული აქტები
1	ხორცი (მ.შ., ფრინველი) და ხორცის პროდუქტები	<p>1. საქართველოს მთავრობის 2015 წლის 10 ნოემბრის №581 დადგენილებით დამტკიცებული „სურსათის მიკრობიოლოგიური მაჩვენებლების შესახებ ტექნიკური რეგლამენტი“;</p> <p>2. საქართველოს მთავრობის 2015 წლის 9 ნოემბრის №567 დადგენილებით დამტკიცებული „სურსათში ზოგიერთი დამაბინძურებლის (კონტამინანტის) მაქსიმალურად დასაშვები ზღვრის შესახებ ტექნიკური რეგლამენტი“;</p> <p>3. საქართველოს მთავრობის 2015 წლის 18 დეკემბრის №639 დადგენილებით დამტკიცებული „ფარმაკოლოგიურად აქტიური ნივთიერებების, მათი კლასიფიკაციისა და ცხოველური წარმოშობის სურსათში ნარჩენების მაქსიმალური ზღვრის შესახებ“ ტექნიკური რეგლამენტი“;</p> <p>4. საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს №301/ნ ბრძანებით დამტკიცებული „ჰიგიენური მოთხოვნები სასურსათო ნედლეულისა და საკვები პროდუქტების ხარისხისა და უსაფრთხოებისადმი“ სანიტარიული წესები და ნორმები სანქდან 2.3.2.00-00.</p>
2	კონსერვები ხორცის (მ. შ., ფრინველის) და ხორც-მცენარეული	<p>1. საქართველოს მთავრობის 2015 წლის 9 ნოემბრის №567 დადგენილებით დამტკიცებული „სურსათში ზოგიერთი დამაბინძურებლის (კონტამინანტის) მაქსიმალურად დასაშვები ზღვრის შესახებ ტექნიკური რეგლამენტი“;</p> <p>2. საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს №301/ნ ბრძანებით დამტკიცებული „ჰიგიენური მოთხოვნები სასურსათო ნედლეულისა და საკვები პროდუქტების ხარისხისა და უსაფრთხოებისადმი“ სანიტარიული წესები და ნორმები სანქდან 2.3.2.00-</p>



		პროდუქტების ხარისხისა და უსაფრთხოებისადმი“ სანიტარიული წესები და ნორმები სანწიდან 2.3.2.00-00.
24	სპირტიანი სასმელი (ყურძნისეული, არაყურძნისეული)	<p>1. საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს №301/ნ ბრძანებით დამტკიცებული „ჰიგიენური მოთხოვნები სასურსათო ნედლეულისა და საკვები პროდუქტების ხარისხისა და უსაფრთხოებისადმი“ სანიტარიული წესები და ნორმები სანწიდან 2.3.2.00-00 (გარდა მეთანოლისა);</p> <p>2. საქართველოს მთავრობის 2019 წლის 15 მარტის №137 დადგენილებით დამტკიცებული „ტექნიკური რეგლამენტი – ყურძნისეული წარმოშობის სპირტიანი სასმლის წარმოების ზოგადი წესისა და ნებადართული პროცესების, მასალებისა და ნივთიერებების ჩამონათვალის განსაზღვრის შესახებ“ (მხოლოდ მეთანოლი);</p> <p>3. საქართველოს მთავრობის 2018 წლის 16 ნოემბრის №554 დადგენილებით დამტკიცებული „ტექნიკური რეგლამენტი – სპირტიანი სასმელების შესახებ“ (მხოლოდ მეთანოლი).</p>
25	მზა კერძები და კულინარული ნაწარმი (სწრაფად გაყინული, ვაკუუმშეფუთვის და ა.შ.)	<p>1. საქართველოს მთავრობის 2015 წლის 10 ნოემბრის №581 დადგენილებით დამტკიცებული „სურსათის მიკრობიოლოგიური მაჩვენებლების შესახებ ტექნიკური რეგლამენტი“;</p> <p>2. საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს №301/ნ ბრძანებით დამტკიცებული „ჰიგიენური მოთხოვნები სასურსათო ნედლეულისა და საკვები პროდუქტების ხარისხისა და უსაფრთხოებისადმი“ სანიტარიული წესები და ნორმები სანწიდან 2.3.2.00-00.</p>
26	საკვებდანამატები	წარმოდგენილი დეკლარირებული სტანდარტის შესაბამისად.
27	სასურსათო (სურსათის) დანამატი	საქართველოს მთავრობის 2015 წლის 9 ნოემბრის №567 დადგენილებით დამტკიცებული „სურსათში ზოგიერთი დამაბინძურებლის (კონტამინანტის) მაქსიმალურად დასაშვები ზღვრის შესახებ ტექნიკური რეგლამენტი“.
28	ჩვილ ბავშვთა და ბავშვთა კვების პროდუქტები	<p>1. საქართველოს მთავრობის 2015 წლის 9 ნოემბრის №567 დადგენილებით დამტკიცებული „სურსათში ზოგიერთი დამაბინძურებლის (კონტამინანტის) მაქსიმალურად დასაშვები ზღვრის შესახებ ტექნიკური რეგლამენტი“;</p> <p>2. საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს №301/ნ ბრძანებით დამტკიცებული „ჰიგიენური მოთხოვნები სასურსათო ნედლეულისა და საკვები პროდუქტების ხარისხისა და უსაფრთხოებისადმი“ სანიტარიული წესები და ნორმები სანწიდან 2.3.2.00-00.</p> <p>3. საქართველოს მთავრობის 2015 წლის 10 ნოემბრის №581 დადგენილებით დამტკიცებული „სურსათის მიკრობიოლოგიური მაჩვენებლების შესახებ ტექნიკური რეგლამენტი“.</p>

